



Broj: JN1-03-16-7-7-18/22
Sarajevo, 29.8.2022.

Na osnovu člana 64. stav (1) tačka a) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) i člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za javnu nabavku iz Zapisnika o pregledu i ocjeni ponuda, broj: JN1-03-16-7-7-17/22, od 8.8.2022. u postupku nabavke usluga servisiranja kopir i faks aparata Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za javnu nabavku iz Zapisnika o pregledu i ocjeni ponuda, broj: JN1-03-16-7-7-17/22, od 8.8.2022. i Okvirni sporazum za nabavku usluga servisiranja kopir i faks aparata Parlamentarne skupštine BiH za period 24 mjeseca na maksimalnu vrijednost od 43.000,00 KM s PDV-om **odjeljuje se prvorangiranom ponuđaču FACIT d.o.o. Sarajevo**, ul. Dr. Kasima Begića broj 23, 71 000 Sarajevo, IDB 4201483810008, čija je ponuda po utvrđenom kriteriju "Ekonomski najpovoljnije ponude" sa podkriterijima: 1. Cijena ponude - rel.učešće 80% i 2. Rok odziva za servisnu intervenciju - rel.učešće 20 %, izabrana kao najpovoljnija ponuda sa ukupnim brojem 100 bodova.

II.

Izabrani ponuđač je u okviru ponude dostavio uredne i potpune dokaze o kvalificiranosti po članu 45. stav (1) tačka c) i d) Zakona o javnim nabavkama, prema tački 3.8. Tenderske dokumentacije za konkurentski zahtjev za dostavu ponuda za nabavku usluga servisiranja kopir i faks aparata Parlamentarne skupštine BiH, broj: JN1-03-16-7-7-7/22, od 18.5.2022., broj: JN1-03-16-7-7-10/22, od 31.5.2022. i broj: JN1-03-16-7-7-11/22, od 2.6.2022., te se, u skladu s Mišljenjem Agencije za javne nabavke, broj: 03-02-1-3058-2/19, od 20.11.2019. oslobađa te obaveze po donošenju ove odluke.

III.

Prijedlog Okvirnog sporazuma dostavit će se na potpis izabranom ponuđaču po isteku roka od pet dana, računajući od dana kada je obavješten o izboru najpovoljnijeg ponuđača pod uslovom da žalba ne bude uložena, a nakon pribavljenog mišljenja Pravobranilaštva Bosne i Hercegovine za njegovo zaključenje.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Obrazloženje

Postupak javne nabavke usluga servisiranja kopir i faks aparata Parlamentarne skupštine Bosne i Hercegovine, pokrenut je Odlukom o pokretanju postupka javne nabavke, broj: JN1-03-16-7-7/22, od 22.3.2022. Javna nabavka je provedena putem konkurentskog zahtjeva za dostavu

ponuda. Procijenjena vrijednost javne nabavke iznosi 43.000,00 KM sa uračunatim PDV-om. Komisija za nabavke imenovana je Rješenjem Kolegija Sekretarijata, broj: JN1-03-16-7-7-2/22, od 22.3.2022. i broj: JN1-03-16-7-7-2a/22, od 30.3.2022. Tenderska dokumentacija Ugovornog organa, broj: JN1-03-16-7-7-7/22, od 18.5.2022., kao i Obavještenje o nabavci, broj: 166-7-2-14-3-27/22, objavljeni su u sistemu "E-nabavke" 18.5.2022.a istovremeno je Poziv za preuzimanje Tenderske dokumentacije iz sistema E-nabavke upućen prema četiri ponuđača i to:

1. ZK Office d.o.o. Mostar, Blajburških žrtava broj 23, 88 000 Mostar
2. Alf-Om d.o.o., Mladena Stojanovića broj 43-45, 78 000 Banja Luka i
3. FACIT d.o.o. Sarajevo, Dr. Kasima Begića broj 23, 71 000 Sarajevo
4. RESEARCH PLUS d.o.o., Rakovačka cesta broj 138, 71 210 Ilidža

Dana 30. 5.2022. ponuđač Alf-om d.o.o. je putem sistema "E-nabavke" postavio pitanje u vezi s Tenderskom dokumentacijom, na koje je Ugovorni organ odgovorio 31.5.2022. objavom Izmjena i dopuna Tenderske dokumentacije, broj: JN1-03-16-7-7-10/22, od 31.5.2022.

Dana 2.6.2022. ponuđač Facit d.o.o. je putem sistema "E-nabavke" postavio pitanje u vezi s Tenderskom dokumentacijom, na koje je Ugovorni organ odgovorio 2.6.2022. objavom Izmjena Tenderske dokumentacije, broj: JN1-03-16-7-7-11/22, od 2.6.2022. i Ispravke za Obavještenje o nabavci, broj: 166-7-2-14-3-27/22, od 2.6.2022.

Tendersku dokumentaciju kao i izmjene i dopune Tenderske dokumentacije iz sistema "E-nabavke" preuzelo je ukupno 13 ponuđača.

Do termina zakazanog za predaju ponuda odnosno do 8.6.2022. do 10,00 sati blagovremeno su pristigle dvije ponude i to:

Redni broj zaprimanja ponuda	Naziv i sjedište ponuđača
1.	ALF-OM d.o.o. Banja Luka, ul Mladena Stojanovića br. 43-45, 78 000 Banja Luka
2.	FACIT d.o.o. Sarajevo, ul. Dr. Kasima Begića br. 23, 71 000 Sarajevo

Komisija za nabavke izvršila je javno otvaranje ponuda pri čemu je sastavljen Zapisnik o zaprimanju ponuda, broj: JN1-03-16-7-7-12/22, od 8.6.2022. i Zapisnik o otvaranju ponuda, broj: JN1-03-16-7-7-13/22, od 8.6.2022. koji su uredno dostavljeni ponuđačima. Po završenoj evaluaciji, sačinjen je Zapisnik o pregledu i ocjeni ponuda, broj: JN1-03-16-7-7-17/22, od 8.8.2022. sa preporukom o izboru najpovoljnijeg ponuđača, u kojem je konstatovano da su ponude oba ponuđača prihvatljive za Ugovorni organ, jer ispunjavaju sve formalno pravne, lične i profesionalno/tehničke uslove, odnosno zahtjeve ugovornog organa sadržane u Tenderskoj dokumentaciji Ugovornog organa. Također u zapisniku je navedeno da su ponude oba ponuđača sadržavale više računskih grešaka koje su saglasno ispravljene.

Konstatovano je i da je ponuđač Facit d.o.o. Sarajevo u okviru svoje ponude dostavio tražene dokaze o ispunjenosti uslova iz člana 45. stav (1) tačka c) i d) Zakona o javnim nabavkama, koje je Komisija Ugovornog organa ocijenila i utvrdila njihovu potpunost i ispravnost, te u skladu s Mišljenjem Agencije za javne nabavke, broj: 03-02-1-3058-2/19, od 20.11.2019., navela da se isti neće ponovo zahtijevati radi zaključenja ugovora/okvirnog sporazuma

U zapisniku se navodi da je Komisija za javnu nabavku provela fazu vrednovanja i rangiranja prihvatljivih ponuda shodno zadatim podkriterijima „Ekonomski najpovoljnije ponude“ te je konstatovano sljedeće:

Ponudjač	Oznaka ponude	Podkriteriji kriterija "Ekonomski najpovoljnija ponuda"		Bodovanje	Rang
		Cijena ponude bez PDV-a (80%)	Rok odziva za servisnu intervenciju iskazan u satima (20%)		
Facit d.o.o. Sarajevo	Ponuda broj: 220608-01/VR, od 8.6.2022	28.503,00 KM – 80 bodova	1 (jedan) sat – 20 bodova	100 bodova	1 (prvi)
ALF-OM d.o.o. Banja Luka	Ponuda broj: 0134/VS, od 7.6.2022.	30.088,85 KM – 75,78 bodova	1 (iedan) sat – 20 bodova	95,78 bodova	2 (drugi)

Shodno navedenom, Komisija za javnu nabavku jednoglasno je preporučila Kolegiju Sekretarijata Parlamentarne skupštine BiH (Zapisnik, broj: JN1-03-16-7-7-17/22, od 8.8.2022. u prilogu) da za nabavku usluga servisiranja kopir i faks aparata Parlamentarne skupštine BiH odnosno za Okvirni sporazum koji će se zaključiti na maksimalnu vrijednost od 43.000,00 KM s PDV-om na period od 24 mjeseca, donese Odluku o izboru najpovoljnijeg ponuđača u korist **prvorangiranog ponuđača FACIT d.o.o. Sarajevo, ul. Dr. Kasima Begića broj 23, 71 000 Sarajevo, IDB 4201483810008**, čija je ponuda po utvrđenom kriteriju "Ekonomski najpovoljnije ponude" sa podkriterijima: 1. Cijena ponude - rel.učešće 80% i 2. Rok odziva za servisnu intervenciju - rel.učešće 20 %, izabrana kao najpovoljnija ponuda sa ukupnim brojem 100 bodova.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se Facit d.o.o. Sarajevo izabere za realizaciju Javne nabavke usluga servisiranja kopir i faks aparata Parlamentarne skupštine Bosne i Hercegovine putem Okvirnog sporazuma sa jednim ponuđačem na period 24 mjeseca, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- FACIT d.o.o. Sarajevo, ul. Dr. Kasima Begića broj 23, 71 000 Sarajevo,
- ALF-OM d.o.o. Banja Luka, ul Mladena Stojanovića br. 43-45, 78 000 Banja Luka
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____